

cientis & clamantis simul, *Mibi, Mibi, o Deus esto propitius*. Quis enim hic non videt Desiderium Gratiae ferium & sincerum, quo Publicanus in propitiatorio vitam & remissionem peccatorum suorum quaerit, & *Esto* suum ingemiscit? Desiderium verò dum dicimus, Notitiam & Adsensum, quem praesupponit, non excludimus. Ignoti nam nulla cupido, nullum desiderium. *Res non audita non potest credi*. Rom. X, 14. Nec istud desiderare possumus, cui adsensum denegamus. Desiderium Fidei Justificantis sequitur Adprehensio, Adprehensionem Adpropriatio. Circa utramque strenue occupatus est Publicanus Noster, & Ore manuque ex Fonte Salutis Gratiam Dei abundantissimam in sese derivare laborat. Ore adprehendit istam avidissimè sibi in individuo & *Mibi, Mibi* supplicat; Manu Ostium quasi Cordis sui aperit & disquirit, Donumque Remissionis gratiosissimum adpropriati sibi, & cum Sponsa Christi, *eum quem anima sua diligit, in lectulum suum & conclave Matris suae* introducere cupit, Cant. III, 1. 4. Fiduciam Statio & Oratio Publicani firmiter probant, Illam namque si non habuisset in corde, non *stetisset*, sed fugisset, nec ad gratiam adpellasset, nec expectasset illam tantam modestiam & humilitate, quam Christus in sententia sua decisivè deprædicat. Et respectu horum actuum Paulus Fidem *πληροφορίαν* h. e. certam & inmotam animi de salute nostra persuasionem, quam plenis quasi velis (à navibus ductam metaphoram) Homo credens ad eam rem, quam confidit, fertur & vehitur, Rom. IV, 21. Col. II, 2. Et huic Fidei soli adscribitur ille Effectus, qui dicitur Justitiæ & salutis acquisitio, Matth. IX, 2. 22. Rom. III, 26. Gal. II, 16. Adscribitur autem Fidei hoc ipsum, non ex merito quodam, sive de conformitate, aliove operis intuitu, sed ex mera gratiâ, ut Paulus insigniter deducit. Rom. IV, commate 1. & seq. Eph. II, 8. 9. & alibi. Nam Fides quam creditur ipseque fidei justificantis actus manet instrumentum, nec aliter in ipso actu imputationis attenditur, quam instrumenti intuitu, quod ex parte Hominis necessarium est & justitiam imputatam adprehendit. Sola autem Fides, quam creditur, sive Fidei justificantis Objectum, Meritum, nempe Christi, imputatur nobis ob precium & valorem. Et hoc est, quod Theologi intendunt, dum Fidem Justificantem non ad prædicamentum Quantitatis aut Qualitatis, aut Actionis; sed Relationis referunt, & relativè, sive vi correlati sui nempe meriti Christi, in quod fertur, justificare dicunt. Nam sola Fidei Relatio, quam ad Christum ejusque meritum est directâ, propter Christum, quem respicit, vim,

ju sti